

# TOSHKENT HAQIQATI

HAQSEVAR ONA YURT, MANGU BO'L OBOD!

@haqiqatonline\_24

Haqiqat online

haqiqatonline\_

Viloyat  
ijtimoiy-siyosiy  
gazetasi

1928-yil 11-dekabrda  
asos solingan

2025-yil 25-yanvar / SHANBA / № 2 (13763)

## Миллий маданиятимиз — руҳиятимиз кўзгуси



Ахрор МИРЗАЕВ,  
Тошкент вилояти  
Маданият бошқармаси  
бошлиғи

Бугун юртимизнинг барча ҳудудларида маданият ва санъатни кенг ривожлантиришга алоҳида эътибор қаратилиб, бу борада кўламли ишлар амалга ошириляпти.

### ▼ "Тошкент ҳақиқати" минбари

Айниқса, Президентимиз томонидан 2020 йил 26 майда имзоланган «Маданият ва санъат соҳасининг жамият ҳаётидаги ўрни ва таъсирини янада ошириш чора-тадбирлари тўғрисида»ги Фармонга кўра, 15 апрель санаси «Ўзбекистон Республикаси Маданият ва санъат ҳодимлари кўни» деб эълон қилинган соҳа вакилларини беҳад кувонтирди.

Маърифат, маданият ва санъатнинг

куёнчақ тарғиботчиси бўлган вилоят ҳокими Зойир Мирзаевнинг доимий қўлаб-қувватлаши билан Тошкент вилоятида ҳам сўнгги йилларда соҳада жиддий ўзгаришлар сезилмоқда. Хусусан, ҳозирда вилоятда 72 та маданият марказлари самарали фаолият юритиб келмоқда. Уларнинг йиллик иш режалари вазирлик томонидан белгилаб берилган намуна асосида ишлаб чиқилиб, тасдиқланган.

(Давоми 2-саҳифада) ►



### ▼ Президент топшириғи амалда

## ДУАЛ ТАЪЛИМ — ТУГАЛ ТАЪЛИМ

Саноат, ишлаб чиқариш ва муҳандисликка ихтисослашган олийгоҳлар ва профессионал таълим муассасаларида ёшларга ўқиш билан бирга корхона ва ташкилотларда ишлаш имконини берувчи дуал таълим тизимида ижобий ишлар амалга оширилмоқда.

Эътиборлиси, амалиётчи талаба ўқиш пайти корхона ва ташкилотларда ишга жалб қилинганда малакали мутахассисга бириктирилади ва ойи-



лик маош тўланади. Мазкур жараёнда у замонавий технология ва дастгоҳларни ўрганиб, назарий билимини амалда қандай қўлланишини ҳам кузатади.

Маълумки, 2024 йил 20 июнь кўни Президентимиз раҳбарлигида муҳандислик соҳаларида кадрлар тайёрлаш ва олий таълим муассасалари фаолиятини янада такомиллаштириш масалаларига бағишланган видеоселектор йиғилиши ўтказилиб, муҳим вазифалар юклатилган эди.

Берилган топшириқлар асосида Тошкент давлат техника универси-

тетининг Олмалиқ филиалида 2024-2025 ўқув йилидан бошлаб юқори курс талабалари учун дуал таълим тизими йўлга қўйилди. Ушбу тизим доирасида олийгоҳ томонидан "Олмалиқ КМК" АЖ билан ҳамкорликда келишув шартномалари имзоланди. Унга кўра, "Кончилик иши", "Технологик машиналар ва жиҳозлар", "Машинасозлик технологияси", "Машинасозлик ишлаб чиқариш жихозлаш ва автоматлаштириш" каби таълим йўналишлари бўйича 18 нафар талаба танлов асосида саралаб олинди.

(Давоми 2-саҳифада) ►

### ▼ Яхши хабар

## Тошкентдан «Чиноркент»га

Аҳолига янада қулайлик яратиш мақсадида «Чиноркент» темир йўл бекати қуриб, фойдаланишга топширилди.



Тошкентдан Хўжакентгача бўлган электропоезд қатнови 1,5 км. масофага — «Чиноркент» бекатигача узайтирилди.

Бекатда 150 м. узунликда перрон ҳамда соябон қурилиб, имконияти чекланган йўловчилар учун сирганишга қарши плиталар ўрнатилди, шунингдек, ер ости туннели барпо этилди.

Эндиликда Тошкентдан йўлга чиққан йўловчи ва сайёҳлар замонавий электропоездда «Чиноркент» темир йўл бекатига қийинчиликсиз етиб оладилар.

Янгийўл шахрининг «Янги ҳаёт» маҳалласи аҳолиси деҳқончилик ва боғдорчиликда анча илғор. Маҳаллий миришкорлар ҳудуднинг иқлим шaroитини инобатга олган ҳолда турли экинлар экиб, йилга икки-уч марта ҳосил олишмоқда.

Маҳаллада 2 ярим мингга яқин аҳоли 758 та хонадонда истиқомат қилади. Эътиборлиси, ҳар бир кўчанинг ўзига хос драйвери бор. Мисол учун, Соҳибкор кўчасида яшовчи аҳоли асосан иссиқхоналарда помидор ва бўлғор қалам-

### ▼ Маҳаллада нима гап?

## ДАНГАСАГА ТОМОРҚА УВОЛ

Вилоятимизда қишнинг чилласига қармай, томорқасида мўл ҳосил етиштириб, оиласи фаровонлигини таъминлаётган хонадонлар кўп.

пири етиштириб, маҳсулотни экспорт ҳам қилишмоқда. Шунингдек, епик ҳолда узум парваришнинг ҳам ҳақдини олишган. Аҳамиятли жиҳати, кўп хонадонларда ёмғир сувлари йиғилиб, буғлатиш орқали суғорилади.

Тараққиёт кўчасидаги хонадонларда эса иссиқхона шарoитида мавсумий гуллар ва қўлундай етиштирилади. Ўзбекистон кўчасидагилар чорвачилик билан шуғулланишади. Томорқаси

борлар турли сабзавотлар ҳам етиштиришади.

— Очиғи, ердан самарали фойдаланишни билмайдиганларни кўриб, ачинаиб кетаман, — дейди маҳалла раиси Музаффар Ҳамроқулов. — Ҳовлисида томорқаси бор, фақат дангаса, меҳнат қилишга эринишади. Бундайларни кўрсам, дилим хуфтон бўлади. Айниқса, қишлоқ жойда бундай ҳолга йўл қўйиб бўлмайди.

(Давоми 2-саҳифада) ►

### Viloyat bo'ylab



**НУРАФШОН шаҳар** электр таъминоти ҳодимлари томонидан «Обод» маҳалласидаги эскирган симёғочлар ўрнига бетон таянч устунлар ўрнатилиб, янги кабеллар тортилди.

**«Байтқўрғон — Паркент»** электрлаштирилган темир йўл қурилиши бошланди. Лойиҳа бўйича темир йўлнинг умумий узунлиги 23,8 километрдан иборат бўлади. Лойиҳалаш ишлари «Боштранспойиҳа» акциядорлик жамияти, қурилиш ишлари эса темирйўлчи мутахассислар томонидан амалга оширилади.

**ТОШКЕНТ тумани** ҳокими С.Эргашев ҳамда Савадо-саноат палатаси туман бўлими раҳбари Р.Зарипов «Кўтерак» деҳқон бозори ва «Ихлос мебель» ишлаб чиқариш корхонаси фаолиятини ўрганишди. Шунингдек, «Камбағалликдан — фаровонлик сари» дастури доирасида ҳудуддаги кам таъминланган оила вакилларини ишга жойлаштириш жараёнини назоратга олишди.

**ЧИНОЗ тумани** ҳокими Ш.Салихов «Тонг юлдузи» маҳалласида сайёр қабул ўтказди. Унда қўрилган уй-жой, бандлик, кадастр, табиий газ ва сув таъминоти, тиббий ёрдам, алимент ундириш ва оилавий низолар билан боғлиқ мурожаатларнинг аксарияти жойида ҳал этилди. Муддат талаб этидиган масалалар мутасаддиларга йўналтирилди.

**ЎРТА ЧИРЧИК тумани** ҳокими И.Қасимов Корея Республикасининг Fine Semicon Co. компанияси раҳбари билан учрашди. Мулоқотда ҳудуднинг қишлоқ ҳўжалигида эко-туризм ва хизматлар соҳасидаги имкониятлари ҳақида сўз борди. Шунингдек, томонлар янги туризм йўналишларини очиб бўйича ўз таклифларини билдиришди.

## Bugungi SONDA:

Sun'iy intellekt  
axborot  
xavfsizligiga  
qanday ta'sir  
ko'rsatadi?



2

Inson salohiyatini  
uyg'otish —  
ENG MUHIM  
MEZON



3

Ikki xil  
ustoz



4





